

اليوم اللي حگك في مڭك



بتتذكر اليوم الأول اللي حگك فيه مڭك ؟ المرة الأولى في حياتك اللي سمعت فيه صوتين في رأسك، صوت متعوّد عليه، بيشبه صوت ”كل حدا“ و صوت بيشبهك جدّ بس عمرك ما سمعته قبل اليوم، اليوم الأول اللي فهمت فيه اللي غثاه منير ”كل المفروض مرفوض“، اليوم الأول اللي حسيت فيه إنو يمكن اللي حواليك مو صح و إنت غلط، و يمكن عادي إنك تحس حالك من كوكب ما بيشبه كوكب ”كل حدا“!

اليوم اللي حگك في مڭك اللي اكتشفت إنو يمكن في طريق ما بيشبه طريق ”كل حدا“، طريق يمكن من حگك إنت تدوّر عليه و تكون أول واحد يمشي فيه، حگك مڭك إنو كيف ”كل حدا“ بتجاربهم اللي ما بتشبه بعض، و حركاتهم اللي بتصنع من كل واحد فيهم ”حدا مميز لأنه هو، و بس هو“، و أخطاءهم و طريقة تعاملهم معها و الناس اللي حبوهم، و الناس اللي كرهوهم، و الكتب اللي قرعوها، و الأغاني اللي بيحبو الصبح يسمعوها، كيف ممكن تكون كثير غير بعض، و يكون كل واحد فيهم مميز جدّ بشخصه و تجربته، و مع هيك يمشوا كلهم مع بعض بطريق واحد ؟، كيف ممكن يكون في طريق واحد؟، بيجگك مڭك، كيف ممكن يكون في طريق طبيعي واحد لازم كلنا نمر فيه، بنفس الطريقة، و لنفس الأسباب و الدوافع، كيف يعني في مراحل محتوم علينا نمر فيها، بطريقة وحدة؟ و لدافع واحد؟، و ليش لّمّا نجرب نحيد و لو شوي أو نجرب نلاقي طريقنا اللي بيشبهنا ”أحنا و بس“ بتتحول كل الأصوات حوالينا لصوت حليم و هو بيدندن اللي كتبه نزار على لسان قارئة الفنجان ”طريقك مسدوووڭ، مسدوووڭ يا ولدي“، بيجگك مڭك، ”كذب المنجمون و لو صدقوا“!

إنت مين مفكر حالك؟، ”يعني إنت حتغير الدنيا؟“، ”هاي طبيعة بشرية“، تعليقات ”كل حدا“ بتحولك بين اللحظة و أختها لإنسان مخالف للطبيعة لمجرد إنك حاولت تصنع طريقك إنت

في نظام معين لازم تمشي عليه، "كيف يعني ما تشتغل بتخصصك؟"، "كيف يعني يصير عمرك 22 سنة و ما بدك تتزوجي؟"، "كيف يعني ما بتفرق معك المصاري و بدك تلحق شغفك؟"، "كيف يعني"، بيحكك مڭك، يا ترى مين اللي مو فاهم الثاني؟ و التعليق اللي بيقتلك أكثر من أي تعليق ثاني "أنا كنت زيك بالزبط، بعددين فهمت الواقع"، و بتدعي الله بسرك ألف مرة إنك ما تفهم الواقع!، بتخاف و بترتعب لأنه الشخص اللي أمامك كان مؤمن جد و فجأة فقد اللمة اللي كانت بعيونه، و فجأة صار بيشبه "كل حدا"، بتخاف يذوب وجهك مع وجوههم، و بترتعب إنك ممكن بيوم تصير واحد من "كل حدا"

من اليوم الأول اللي حگك فيه مڭك و سبح عكس تيار "كل حدا"، و إنت مصاب بصداع، بس صداع من النوع المريح، النوع اللي بيحسسك ألمه إنك مرضي نفسك حتى لو ما أرضيت "كل حدا"، صارت يمكن الأصوات بمخك أعلى، و الحكمة كتير أقوى، بس في هدوء نفسي جؤاك بيذكرك بغار حراء، بيذكرك بوجع بلال و صوته تحت الشمس "أحد أحد"، و يقين قلبه اللي بتحسه بين حروفه، نفسك تكون قوي زبهم و نفسك حكة مڭك تكون مرحلتك المكية اللي منها رح توصل لإيدك و هي عم بتعمّر قباء.